



Claudii Fleurii Abbatis Historia Ecclesiastica

Ab anno Christi 1558. usque ad annum 1560

Fleury, Claude

August. Vind. [u.a.], 1771

VD18 90118588

§. 70. Calvinistarum consilia in conventiculo in oppido Firmitatis prope
Jotrum stabilita.

[urn:nbn:de:hbz:466:1-66800](#)

Sæcul. XVI.
A.C. 1560.

præterfluxisset, ex quo eorum Parens
Claudius Lotharingius natu minor
Antonii Ducis Filius in Francia sedem
fixerat, postquam Renatus Dux illius
Pater inter alia sua, quæ possederat,
bona eidem Guisiæ Comitatum, postea
ad Ducatum, & Franciæ Paris ditionem
evectum reliquerat.

§. LXX.

*Calvinistarum consilia in conventiculo
in oppido Firmitatis prope Jotrum
stabilita.*

Davila l. I.
p. 31. & seq.
Beza hist.
Eccl l. I.
p. 256.

Hoc obtentu Calvinistæ ad concitan-
dam hanc conjurationem uteban-
tur, re tamen ipsa nil aliud intende-
bant, quam Calvini sectam per Fran-
ciam iisdem stabilire mediis, quibus
Lutheri hæresis in Septentrione propa-
gata fuit, scilicet, Religionem Catho-
licam penitus exterminando, ac præci-
puam Monarchiæ legem & fundamen-
tum evertendo: Hoc quoque suorum
consilium luculentissime manifestabant
in primo conventiculo, quod in oppido
Firmitatis prope Jotrum in summo silen-
tio tenebant, ubi ex Condæi Principis
suasu præcipuorum, quos sibi addictissi-
mos habebat, amicorum Oratores, Pro-
testantium Ministri, ac ceteri potissima
ex parte reformatarum Ecclesiarum De-
putati

putati convenerant; primis igitur so- **Sæcul. XVI.**
lemnitatibus in hoc conventu per Con- **A. C. 1560.**
dæum Principem inchoatis, minus li-
cet acceptis, Colinius Gallicæ classis
Præfectus pro tuenda Religione sua ape-
ruit consilia, quæ cum omnium applausu
comprobata fuere: postea ad ea, quæ
circa subsidia Angliæ Reginæ, aliisque
Principibus Protestantibus submittenda
proponebantur, respondit: Porro con-
spirantium furor in ipsum etiam Regem,
utramque Reginam, totamque Fami-
liam regiam sese effundebat, decretum-
que a potissima eorum parte, non plus
ipsis, quam ceteris parcendum: pauci
tamen reliquis minus feroce hanc ra-
biem nonnihil temperare fatagebant,
contendentes, quod Regium sanguinem
non esse fundendum, totus conventus
declararet: an vero a congregatis id
reipsa fuerit promissum, ignoratur: id
tamen certum est, quod hæc conjura-
tio, nisi fuisset detecta, universum Re-
gnum tumultibus nullo unquam tempore
sedandis involvisset. His ita dispositis
conjuratorum nomina Renaudio trade-
bantur, dato negotio, ut cum illis in
variis Provinciis consilia conferret, plu-
res alios sollicitaret, & quotquot posset,
ad sua signa pertraheret. Hic com-
missum sibi negotium tanta, qua ma-
jor in re magis honesta desiderari haud
posset;

Sæc. XVI
A.C. 1560

posset, taciturnitate, ac dexteritate exequabatur, ut vero conjurati suos sibi socios probe cognitos haberent, seque ab aliis dignoscere possent, is una omnes die prima Februarii Anno Christi millesimo quingentesimo sexagesimo apud Nannetes convocaverat. (*)

§. LXXI.

Conjurationis executio in alio Nantensi conventiculo decreta.

Thuan. l. 24. In hoc autem conventu conjurati arroganter p. 24. gantia vel maxime ridicula effutire *Davila p. 24.* Boffuet. hist. des variat. præsumebant, quod eorum conventiculum *tom. 2.* p. 112.

(*) Benevole Lector, in continuata Fleurii Historia abs dubio præcipue observatu dignum est, quod omnes recens ad inventæ hæreses nil nisi seditiones erga legitimos suos Principes, cruenta bella, regnorum devastations, mutuas inimicitias, cædesque, rapinas, ac omne malorum, & calamitatum genus produxerint, hisque mediis fese latius diffuderint, eo modo, ni pejori, quo Turcæ suum imperium ac superstitionem inchoarunt ac propagarunt: qua ergo fronte Novatores isti jactitare audent, quod eorum Sectæ Principibus regnorum tranquillitatem, ac supremæ suæ potestatis auctoritatem firmius, quam Religio Catholica afferat; vel unicum per octo-

decim